

հետև՝ կը սիրենք Հայ գիրն ու խօսք, և դայն կը պանծացնենք ի լուր Ամերիկեան հօկայ հասարակութեան:

« Կոչնակ » (Ամերիկա) Ռ. Ս. Րազուպեան

ՆԱՄԱԿՆԵՐ ԽՄԲԱԳՐՈՒԹԵԱՆ

Մ

I

Էջմիածին, 29 մայիսի.

Հայկական գրերի գիւտի 1500-ամեայ և հայ տպագրութեան 400-ամեայ յօբելեանի առթիւ պիտի հրատարակուի մի բրոշիւր՝ բաղկացած մի տպագրական թերթից, փոքրադիր 64 էրես, հայ գրերի գիւտի և տպագրութեան պատմութիւնն ու նշանակութիւնը ժողովրդականացրած՝ դպրոցական աշակերտներին ձրի բաժանելու համար՝ Աշխատանքներից լաւագոյնի համար վարձատրութիւն նշանակելու է յիսուն ռուբլի: Այդպիսի աշխատանք ունեցողներից կամ գրել ցանկացողներից խնդրում է ուղարկել իրանց աշխատանքը մինչև 1912 թ. յուլիսի 31-ը հետևեալ հասցէով. Эчмиадзинъ, Канцеларія Верховнаго Патриарха Вѣхъ Армянъ.

Յորի. Յանձնաժողովի փոխ-նախագահ՝

Դարեզին վարդապետ

Անդամ-Քարտուղար՝ Դ. Ալթունեան

II

Մոսկուա, 27 մայիսի.

Անդին ծիծաղ յառաջացրեց այսանդ այն հայհոյանքների կոյրը, որ «Մարտ» անուն կրող տեղիս թերթը թափել է «Լիբերական» «Հովիտի» և իմ գլխին իր վերջին համարում: Այդ սղորմելի թերթի աւելի քան սղորմելի խմբագիրը կանգնել է հայելու առաջ, ինքն իրան նկարել և ենթադրել է, որ ուրիշներին դրանով հայհոյում է... Տէրը նրա հետ, թող մխիթարուի:

Ես նրան երբէք չեմ պատասխանի և երբէք դատի չեմ կանչի: Կայծունու պէս մարդկանց ընդունուած չէ պատասխանել, որովհետև ոչ ոք չի ցանկանայ դրանով իր արժանապատուութիւնը վիրաւորած լինել, ոչ ոք նրան բանի տեղ չի դնում, не считаютъ съ нимъ, ինչպէս ասում են ռուսները:

Բայց ես երկու բան պիտի յայտնեմ.

1) Ես «փողաւոր» մարդ չեմ, այլ ամենահասարակ ծառայող և սպրոււմ եմ միմիայն իմ սօճիկով: Եթէ վաղը պաշտօնիցս զրկուեմ, քաղցած պիտի մնամ ընտանիքիս հետ, որովհետև կուպէկ չունեմ յետ զցած: Կայծունին կարող է հանգիստ լինել, ինձանից մի մի քօս կուպէկ նրան չի բնկնի...

2) Մի քանի տարի սրանից առաջ Ն.-Նախիջևա-